



O‘ZBEKISTON RESPUBLIKASI PREZIDENTINING FARMONI

2025 yil « 18 » декабрь

ПФ–252 -son

Давлат аудити ва молиявий назорати фаолиятини янада такомиллаштиришга доир қўшимча чора-тадбирлар тўғрисида

Мамлакатимизда ислохотларни амалга ошириш учун йўналтирилаётган бюджет, давлат ташқи қарзи маблағларининг самарадорлиги ва ислохотларнинг натижадорлигини ошириш, давлат органлари ва ташкилотларнинг бюджет харажатлари назоратини янада кучайтириш учун соҳада илғор хорижий тажрибаларни қўллаш, рақамлаштириш кўламини кенгайтириш, давлат аудити ва молиявий назорати сифатини ошириш учун соҳада малакали кадрлар тайёрлаш тизимини яратиш мақсадида **қарор қиламан:**

I. Мақсадлар

1. Қуйидагилар давлат аудити ва молиявий назорати фаолиятини такомиллаштиришнинг асосий вазифалари этиб белгилансин:

(а) халқаро стандартлар ва илғор хорижий тажрибалар асосида мамлакатимиз манфаатларига уйғунлашган миллий давлат аудити тизимини такомиллаштириш ва халқаро ҳамкорликни кенгайтириш;

(б) давлат аудити ва молиявий назорати фаолиятини рақамлаштириш ҳамда сунъий интеллект технологияларини жорий этиш орқали қонунбузилиш ҳолатларининг олдини олиш ва тизимли муаммоларни бартараф этиш бўйича таклифларни тайёрлаш;

(в) давлат аудити йўналишида етук ва малакали кадрларни тайёрлаш.

II. Халқаро ҳамкорликни кенгайтириш

2. Ҳисоб палатаси фаолиятининг халқаро стандартларга мувофиқ сифати ва самарадорлигини ошириш, халқаро ташкилотлар билан алоқаларини мустаҳкамлаш орқали унинг халқаро миқёсдаги мавқеини юксалтириш мақсадида 2026 йил 1 январдан бошлаб ҳар 5 йилда камида бир маротаба Ҳисоб палатаси фаолиятини ташқи баҳолашдан ўтказиш амалиёти жорий этилсин.

3. Белгилансинки:

(а) Ҳисоб палатаси фаолиятини ташқи баҳолашдан ўтказиш:

(i) Олий аудит органларининг халқаро ташкилоти (INTOSAI) ва бошқа халқаро даражада тан олинган ташкилотлар методологиялари асосида;

(ii) келишув доирасида халқаро ташкилотлар ёки хорижий давлатларнинг олий аудит органлари томонидан;

(iii) мустақил баҳолаш жараёнини ташкил этиш, фаолияти бўйича барча маълумотларни тақдим этиш (бундан давлат сири билан боғлиқ маълумотлар мустасно), натижаларини жамоатчилик учун эълон қилиш шартларида амалга оширилади;

(б) ташқи баҳолашдан ўтказиш натижалари асосида Ҳисоб палатаси фаолиятини ўрта муддатда ривожлантириш стратегияси қабул қилинади.

4. Халқаро молия институтлари маблағларини жалб қилиш самарадорлигини ошириш, халқаро миқёсдаги аудит жараёнларида иштирок этиш имкониятларини кенгайтириш мақсадида Ҳисоб палатасига:

(а) халқаро молия институтлари ҳамда хорижий ҳукумат молия ташкилотлари мурожаатлари (ташаббуслари) ва техник топшириқлари асосида уларнинг маблағлари ҳисобидан мамлакатимизда амалга оширилаётган лойиҳаларнинг молиявий аудити;

(б) халқаро ташкилотларнинг танловларида иштирок этиш ёки ўзаро келишувлар орқали уларнинг фаолияти, лойиҳалари ва дастурлари аудити;

(в) хорижий давлатларнинг олий аудит органлари ёки халқаро аудит ташкилотлари билан:

(i) ўзининг ваколатлари доирасидаги масалалар бўйича натижаларини алмашиш шarti билан алоҳида ўтказиладиган **параллел аудит**;

(ii) ягона дастур асосида ўзининг ваколатлари доирасидаги масалалар бўйича биргаликда ўтказиладиган ва ягона якуний ҳужжат қабул қилинадиган **қўшма аудит** ўтказиш амалиётини йўлга қўйишга рухсат этилсин.

III. Давлат аудити ва молиявий назорати фаолиятини рақамлаштириш

5. 2027 йил 1 январдан бошлаб ижтимоий ва ишлаб чиқариш инфратузилмасини ривожлантириш дастурлари (кейинги ўринларда – ривожлантириш дастурлари)ни шакллантиришдан бошлаб, лойиҳаларни фойдаланишга топширишга қадар **барча жараёнлар тўлиқ рақамлаштирилган** ҳолда йўлга қўйилсин. Бунда:

(а) ривожлантириш дастурлари Иқтисодиёт ва молия вазирлигининг **“Kapital qo‘yilmalar”** автоматлаштирилган ахборот тизимида электрон тарзда шакллантирилиши;

(б) Давлат бюджети ҳисобидан молиялаштириладиган лойиҳалар бўйича лойиҳа-смета ҳужжатларини ишлаб чиқиш ва экспертизадан ўтказиш **“Шаффоф қурилиш”** платформасида амалга оширилиши;

(в) буюртмачи ва пудратчилар ўртасида бажарилган ишлар бўйича **ҳисобварақ-фактураларни келишиш “Шаффоф қурилиш”** платформасида ишлаб чиқилган лойиҳа-смета ҳужжатлари (таклиф қилинган оферталар) асосида **“Kapital qo‘yilmalar”** автоматлаштирилган ахборот тизимида амалга оширилиши белгилансин.

6. 2026 йил 1 июлдан бошлаб:

(а) Автомобиль йўллари қўмитаси Космик тадқиқотлар ва технологиялар агентлиги билан биргаликда автомобиль йўллари қурилиш жараёнлари доирасида **космик тасвирлар** ва **дронлар ёрдамида** қурилиш ҳамда молиялаштириш ҳажмларини солиштириш асосида **мониторинг қилиш амалиётини** йўлга қўйсин;

(б) Ҳисоб палатаси мазкур жараёнларни **назорат** қилиб борсин.

7. Белгилансинки, 2026 йил 1 июндан бошлаб:

- (а) давлат ташқи қарзи маблағлари ҳисобидан амалга ошириладиган инвестиция лойиҳаларининг шакллантирилишидан бошлаб якуний натижага эришилгунига қадар барча босқичлари Инвестициялар, саноат ва савдо вазирлигининг “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизимида юритилади;**
- (б) Ҳисоб палатаси томонидан “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизими орқали амалга ошириладиган лойиҳалар устидан мониторинг ўрнатилади.**

8. Давлат аудити ва молиявий назорати фаолиятини такомиллаштириш, рақамлаштириш ва сунъий интеллект технологияларини жорий этиш бўйича чора-тадбирлар дастури 1-иловага мувофиқ тасдиқлансин.

IV. Давлат аудити ва молиявий назорати кўламини кенгайтириш ҳамда самарадорлигини ошириш

9. 2026 йил 1 апрелдан бошлаб 2030 йил 1 январга қадар эксперимент тариқасида давлат органлари ва ташкилотларида маблағларнинг мақсадли ва самарали сарфланиши устидан таъсирчан назоратни олиб боришининг қуйидаги тартиби жорий этилсин:

- (а) 2-иловага мувофиқ рўйхатда келтирилган давлат органлари ва ташкилотларида Ҳисоб палатасининг вакили сифатида бош инспектор фаолияти йўлга қўйилади;**
- (б) бош инспектор лавозимлари Ҳисоб палатасининг тузилмасида мазкур тартиб жорий этилаётган давлат органлари ва ташкилотларининг бир нафар бошқарув штат бирлигини қисқартириш ҳисобига шакллантирилади;**
- (в) бош инспектор 3-иловага мувофиқ вазифаларни давлат органлари ва ташкилотларида унинг иш юкламаларини инобатга олган ҳолда тасдиқладиган назорат ишларининг йиллик дастури асосида амалга оширади ҳамда фақатгина Ҳисоб палатасига ҳисобдор бўлади;**

(г) бош инспектор фаолиятини баҳолаш Ҳисоб палатаси томонидан тасдиқланадиган **фаолият самарадорлиги кўрсаткичлари (KPI)** асосида амалга оширилади ва **у ҳар чорак якуни бўйича** Ҳисоб палатаси раиси ҳузурида ўз фаолияти юзасидан ҳисобот беради;

(д) бош инспектор фаолияти бўйича **доимий ҳисобот шакллари** Ҳисоб палатаси раиси томонидан Ўзбекистон Республикаси Президенти Администрацияси билан келишилган ҳолда тасдиқланади.

10. Бош инспекторлар фаолиятини мувофиқлаштириш ва уларга услубий кўмаклашиш мақсадида Ҳисоб палатаси тузилмасида **Давлат органлари ва ташкилотлари бюджетлари харажатларининг самарадорлигини назорат қилиш шўъбаси** ташкил этилсин.

11. Ҳисоб палатасига **атроф-муҳитни муҳофаза қилиш** ва **табиий ресурслардан фойдаланиш** соҳасида **давлат дастурлари, қонунчилик ва бошқарув** жараёнларининг **самарадорлиги, қонунийлиги** ҳамда **мақсадга мувофиқлигини** баҳолашни молиявий, мувофиқлик ва самарадорлик аудитлари доирасида ўтказишга рухсат этилсин.

V. Соҳада кадрларни тайёрлаш ва уларнинг малакасини ошириш тизимини жорий этиш

12. Иқтидорли ёшларни давлат аудити соҳасига мақсадли йўналтириш, соҳада таълим ва илмий-тадқиқот интеграциясини таъминлаш мақсадида **2026/2027 ўқув йилидан бошлаб** Тошкент давлат иқтисодиёт университетида **таълим йўналиши шаклида** ҳуқуқий мақоми олий таълим ташкилоти факультетига тенглаштирилган **Давлат аудити олий мактаби** ташкил этилсин.

13. Белгилансинки:

(а) давлат аудити таълим йўналишига қабул параметрлари амалдаги қонунчиликда белгиланган тартибга мувофиқ **кадрлар буюртмачилари таклифлари асосида** шакллантирилади;

- (б)** давлат аудити таълим йўналишининг ўқув дастурлари дунёнинг нуфузли **Quacquarelli Symonds (QS)** ва **Times Higher Education (THE)** ташкилотлари рейтингларида соҳалар бўйича **биринчи 300** талик рўйхатдаги олий таълим ташкилотлари **тажрибаси асосида** ишлаб чиқилиб, Ҳисоб палатаси ҳамда Иқтисодиёт ва молия вазирлиги билан **келишилган ҳолда** тасдиқланади.
- 14.** Ҳисоб палатаси Олий таълим, фан ва инновациялар вазирлиги билан биргаликда **бир ой** муддатда **Давлат аудити соҳасида кадрлар тайёрлашни йўлга қўйиш бўйича биринчи навбатдаги чора-тадбирлар дастурини** тасдиқласин.
- 15.** Давлат органлари ва ташкилотларининг аудит хизматларига янги ишга қабул қилинган ходимлар учун **аниқ режа-графикка асосан** қўйидаги тартибда **икки ҳафталик** стажировка ўташ амалиёти жорий этилсин:
- (а)** давлат органлари ва ташкилотлар **аудит хизматларининг раҳбарлари** – Ҳисоб палатасида;
- (б)** давлат органлари ва ташкилотлар **аудит хизматларининг ходимлари** – Иқтисодиёт ва молия вазирлигида.

VI. Фармон ижросини ташкил қилиш, таъминлаш ва назорат

- 16.** Ҳисоб палатаси Ўзбекистон Миллий ахборот агентлиги, Ўзбекистон Миллий телерадиокомпанияси билан биргаликда ушбу Фармоннинг мақсад, вазифалари, ундан кутилаётган натижаларни оммавий ахборот воситаларида ва Интернет тармоғида кенг ёритиш ишларини ташкил қилсин.
- 17.** Ўзбекистон Республикаси Президентининг айрим ҳужжатларига **4-иловага** мувофиқ ўзгартириш ва қўшимчалар киритилсин.
- 18.** Ҳисоб палатаси Иқтисодиёт ва молия вазирлиги ҳамда Адлия вазирлиги билан биргаликда **икки ой муддатда** қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

- 19.** Мазкур Фармон ижросини самарали ташкил этишга масъул ва шахсий жавобгар этиб Ҳисоб палатаси раисининг биринчи ўринбосари М.Р. Абдуллаев ҳамда Бош вазир ўринбосари Ж.А. Қўчқоров белгилансин.
- 20.** Фармон ижросини назорат қилиш ва ижро учун масъул ташкилотлар фаолиятини мувофиқлаштириш Ўзбекистон Республикаси Бош вазири А.Н. Арипов ва Ўзбекистон Республикаси Президенти маслаҳатчиси О.А. Хакимов зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

Давлат аудити ва молиявий назорати фаолиятини такомиллаштириш, рақамлаштириш
ва сунъий интеллект технологияларини жорий этиш бўйича
ЧОРА-ТАДБИРЛАР ДАСТУРИ

T/p	Чора-тадбирлар номи	Амалга ошириш механизми	Амалга ошириш шакли	Ижро муддати	Масъуллар
I. Давлат аудитига доир фаолиятни кенгайтириш ва такомиллаштириш					
1.	Ҳисоб палатасининг ривожланиш стратегиясини қабул қилиш.	Ҳисоб палатасининг ривожланиш стратегиясини ишлаб чиқиш ва тасдиқлаш. Бунда қуйидагиларни назарда тутиш: халқаро стандартлар ва илғор хорижий тажрибалар асосида мамлакатимизда миллий давлат аудити асосларини шакллантириш ва йўналишларини белгилаш; Ҳисоб палатасининг фаолиятида стратегик бошқарувни, давлат аудитининг халқаро стандартлари ва сифат назоратини тўлиқ жорий қилиш; Ҳисоб палатаси фаолиятининг мустақиллиги, очиқлиги ва самарадорлигини ошириш.	Идоравий ҳужжат	2026 йил август	Ҳисоб палатаси
2.	Ҳисоб палатаси фаолиятини ва бюджет соҳасини тартибга солувчи қонунчиликни такомиллаштириш.	Қуйидагиларни назарда тутувчи қонун лойиҳасини ишлаб чиқиш: назорат объектида, шу жумладан, устав фондида (устав капиталида) давлат улуши 50 фоиз ва ундан ортиқ бўлган ташкилотларда аудит тадбирини ўтказиш давомийлигининг энг кўп муддатини Ҳисоб палатаси томонидан мустақил белгилаш ; аудит тадбирларини ўтказиш жараёнларининг ҳар бир босқичини жамоатчилик учун очиқ бўлган шароитда Ҳисоб палатасининг веб-саҳифасида реал вақт режимида ёритиш;	Қонун лойиҳаси	2026 йил апрель	Ҳисоб палатаси, Иқтисодиёт ва молия вазирлиги, манфаатдор вазирлик ва идоралар

		ҳар қандай давлат органлари ва уларнинг мансабдор шахслари томонидан Ҳисоб палатасига назорат тадбирларини ўтказиш ва унинг ходимларини бундай тадбирларга жалб қилиш ҳамда бошқа мажбуриятларни юклашга йўл қўймаслик.			
3.	“Kapital qo'yilmalar” автоматлаштирилган ахборот тизимини такомиллаштириш орқали ижтимоий ва ишлаб чиқариш инфратузилмасини ривожлантиришга қаратилган дастурлар доирасидаги лойиҳалар устидан назорат ўрнатиш бўйича ҳуқуқий асослар яратиш.	“Kapital qo'yilmalar” автоматлаштирилган ахборот тизимида лойиҳаларни электрон шакллантириш ҳамда буюртмачи ва пудратчилар ўртасида бажарилган ишлар бўйича ҳисоб-фактураларни келишиш тартибини белгилаш.	Норматив-ҳуқуқий ҳужжат лойиҳаси	2026 йил сентябрь	Иқтисодиёт ва молия вазирлиги, Ҳисоб палатаси, манфаатдор вазирлик ва идоралар
4.	“Шаффоф қурилиш” платформасида қурилиш бўйича лойиҳа-смета ҳужжатларини тўлиқ шакллантириш бўйича чораларни белгилаш.	1. “Шаффоф қурилиш” платформаси орқали қурилиш бўйича смета ҳужжатлари юзасидан қуйидагиларни амалга ошириш: Қурилиш материаллари миллий классификаторидаги материаллар учун деталлашган маҳсулотлар (товар ва хизматлар)нинг идентификация кодларини (кейинги ўринларда – МХИК) ҳамда давлат харидлари соҳасида фойдаланиладиган товарлар (ишлар, хизматлар)нинг Ягона миллий классификатори кодларини очиш ва амалиётга жорий этиш; электрон ҳисоб-фактурани шакллантиришда деталлашган МХИК ҳамда давлат харидлари соҳасида фойдаланиладиган товарлар (ишлар, хизматлар)нинг Ягона миллий классификатори кодларидан мажбурий фойдаланишни таъминлаш; умумий МХИК кодларидан фойдаланишни чеклаш. 2. “Шаффоф қурилиш” платформасида лойиҳа-смета ҳужжатларини ишлаб чиқиш модулини ишга тушириш ва ундан фойдаланиш бўйича йўриқномани тасдиқлаш. График асосида барча ҳудудларда лойиҳачи ташкилотларга мазкур тизимдан фойдаланиш бўйича ўқув семинарларни ташкил этиш.	Ташкилий чора-тадбирлар Идоравий ҳужжат Ташкилий чора-тадбирлар	2026 йил июнь 2026 йил июль 2026 йил сентябрь 2026 йил октябрдан	Солиқ қўмитаси, Қурилиш ва ўй-жой коммунал хўжалиги вазирлиги, манфаатдор вазирлик ва идоралар Қурилиш ва ўй-жой коммунал хўжалиги вазирлиги, манфаатдор вазирлик ва идоралар

				декабрга қадар	
5.	“Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизимини такомиллаштириш орқали халқаро молия институтлари ва хорижий ҳукумат молия ташкилотлари иштирокидаги лойиҳаларнинг амалга оширилишини мониторинг қилиш.	1. “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизимида давлат ташқи қарзи маблағлари ҳисобидан амалга ошириладиган инвестиция лойиҳаларини шакллантиришдан бошлаб якуний натижага эришилгунига қадар, шу жумладан, лойиҳалар концепцияси ва лойиҳани баҳолаш ҳужжати (лойиҳанинг техник-иқтисодий асослари)ни ишлаб чиқиш, амалга ошириш ҳамда якунлаш жараёнларининг барча босқичларида мониторинг олиб бориш имкониятини яратиш ва ишга тушириш. Бунда тизимда лойиҳа ташаббускорларининг лойиҳаларни амалга оширишдаги самарадорлик кўрсаткичларини автоматик тарзда шакллантиришни назарда тутиш. 2. Лойиҳа ташаббускорлари томонидан амалга ошириладиган лойиҳаларга тегишли барча маълумотларни “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизимига киритиш. Халқаро молия институтлари ва хорижий ҳукумат молия ташкилотлари билан лойиҳалар доирасида рақамли харид тартиб-қоидаларига ўтиш бўйича музокара ўтказиш, tender.miit.uz дастурини “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизимига интеграция қилиш. 3. “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизими ҳамда tender.miit.uz дастурини Давлат бюджети ҳисобидан молиялаштириб бориш.	Ташкилий чора-тадбирлар Амалий чора-тадбирлар Амалий чора-тадбирлар	2025 йил декабрь 2026 йил июндан бошлаб доимий 2026 йилдан бошлаб ҳар йили	Инвестициялар, саноат ва савдо вазирлиги, Ҳисоб палатаси, Рақамли технологиялар вазирлиги Инвестициялар, саноат ва савдо вазирлиги, манфаатдор вазирлик ва идоралар Иқтисодиёт ва молия вазирлиги, Инвестициялар, саноат ва савдо вазирлиги

		Бунда Давлат бюджети параметрларида ахборот тизимини ва электрон харид бўйича дастурни молиялаштириш учун зарур маблағларни кўзда тутиб бориш. 4. Лойиҳа ташаббускорлари томонидан қуйидаги йўналишларда ишлар ташкил этилишини таъминлаш: якунланган ҳар бир лойиҳа доирасидаги барча ҳужжатларни лойиҳани амалга ошириш гуруҳидан қабул қилиб, ўзида сақлаш; лойиҳаларнинг барча босқичлардаги маълумотлари, шу жумладан, лойиҳа концепцияси, лойиҳани баҳолаш ҳужжати, лойиҳа ҳужжатлари, харид ҳужжатлари, шартномалар, ҳисобварақ-фактура ва мониторинг натижалари “Инвестиция лойиҳаларини амалга оширишни назорат ва мониторинг қилиш” автоматлаштирилган ахборот тизимига киритиб бориш; умумий қиймати 5 млн АҚШ доллари ва ундан юқори бўлган лойиҳалар доирасида амалга ошириладиган қурилиш объектларида кузатув камералари ўрнатиш ва уларни ушбу ахборот тизимига улаш.	Амалий чора-тадбирлар	Доимий Доимий 2026 йил май	Лойиҳа ташаббускорлари
6.	Ижтимоий ва ишлаб чиқариш инфратузилмасини ривожлантиришга оид дастурлар бўйича лойиҳаларга ажратилган маблағлар сарфланишининг ошкоралигини таъминлаш.	Коррупцияга қарши курашиш агентлиги ахборот тизими орқали лойиҳа доирасида ажратилган маблағларнинг мақсадли ишлатилиши жараёнида очиқлик ва ошкораликни таъминлаш устидан назорат ўрнатиш.	Ташкилий чора-тадбирлар	Доимий	Коррупцияга қарши курашиш агентлиги, манфаатдор вазирлик ва идоралар
7.	Ҳисоб палатасининг вакили сифатида жорий этилаётган бош инспектор фаолиятини самарали ташкил этиш ва улар учун шарт-шароитлар яратиш.	1. Бош инспектор учун алоҳида хона, офис жиҳозлари (компьютер, принтер ва алоқа жамламалари, мебель ва бошқа зарур жиҳоз ва ускуналар) ажратиш. Бунда давлат органлари ва ташкилотларининг биринчи раҳбарлари бош инспектор фаолиятини ташкилий жиҳатдан йўлга қўйишга кўмаклашиш учун масъул ҳисобланади.	Амалий чора-тадбирлар	Бир ой муддатда	Давлат органлари ва ташкилотлари

		2. Бош инспектор фаолиятини ташкил этиш ва унга Фармон билан юклатилган вазифалар доирасида берилган кўрсатмалар ўз вақтида ва сифатли ижро этилишини таъминлаш мақсадида давлат органлари ва ташкилотларининг ички назорат тузилмалари учун бажарилиши мажбурий бўлган ҳужжат қабул қилинишини таъминлаш. Бош инспектор фаолиятини ва унинг бўйсунувини ташкил этиш, мувофиқлаштириш, унга услубий жиҳатдан кўмаклашиш бўйича муносабатларни тартибга солиш. 3. Бош инспектор фаолиятининг энг муҳим самарадорлик кўрсаткичларини (KPI)ни белгилаш. 4. Бош инспектор лавозимини жорий этиш тартибини бошқа давлат органлари ва ташкилотларига татбиқ этиш юзасидан асосли таклифларни Ўзбекистон Республикаси Президенти Администрациясига киритиш.	Идоравий ҳужжат	Икки ой муддатда	Ҳисоб палатаси
			Таҳлилий ахборот	2030 йил январь	Ҳисоб палатаси давлат органлари ва ташкилотлари
8.	Стратегик йирик давлат корхоналари фаолиятини таҳлил ва назорат қилиш орқали уларнинг самарадорлигини баҳолаш.	1. Келгуси йилдан бошлаб таҳлил қилинадиган стратегик йирик давлат корхоналари рўйхатини Ўзбекистон Республикаси Президенти Администрацияси билан келишилган ҳолда тасдиқлаш. 2. Стратегик йирик давлат корхоналарида жорий этиладиган ишлаб чиқариш, молиявий оқимлар, таннарх, инвестиция ва кредитлар тўғрисидаги маълумотларни онлайн таҳлил қилиш ҳамда бизнес-режа ижросини назорат қилиш имконини берувчи дастурий таъминотларнинг маълумотлар базаларини Ҳисоб палатасининг “Масофавий аудит” автоматлаштирилган ахборот тизими билан интеграция қилиш. Бунда стратегик йирик давлат корхоналари раҳбарлари қайд этилган дастурий таъминотларни мунтазам тўлиқ ишлашига ҳамда Ҳисоб палатаси маълумотлар базалари билан ўзаро интеграция қилиб, тегишли маълумотларни тақдим этишга шахсан масъул ва жавобгар ҳисобланади.	Рўйхат	Ҳар йили 1 февралга қадар	Ҳисоб палатаси
			Амалий чора-тадбирлар	2026 йил 1 сентябрь	Стратегик йирик давлат корхоналари “UzAssets” АЖ, Иқтисодиёт ва молия вазирлиги, Ҳисоб палатаси

		3. “Масофавий аудит” автоматлаштирилган ахборот тизимида стратегик йирик давлат корхоналарида бизнес-режа ижросини мониторинг қилувчи “Бизнес режа” модулини яратиш орқали назорат тизимини йўлга қўйиш.		2026 йил 1 октябрь	Ҳисоб палатаси, “UzAssets” АЖ, стратегик йирик давлат корхоналари
9.	Марказий банк фаолиятини таҳлил ва назорат қилиш орқали унинг самарадорлигини баҳолаш.	1. Ўзбекистон Республикаси Президенти Администрацияси билан келишилган ҳолда ишчи гуруҳини тузиш. 2. Марказий банк фаолиятини таҳлил ва назорат қилиш жараёнларини ташкил этиш ва баҳолашдан ўтказиш.	Ташкилий чора- тадбирлар	2026 йил январь	Ҳисоб палатаси
10.	Давлат органлари ва ташкилотлари, шунингдек, устав фондида (устав капиталида) давлат иштироки улуши 50 фоиз ва ундан ортиқ бўлган ташкилотлардаги аудит хизматлари фаолиятини такомиллаштириш.	Давлат органлари ва ташкилотлари, шунингдек, устав фондида (устав капиталида) давлат иштироки улуши 50 фоиз ва ундан ортиқ бўлган ташкилотлардаги аудит хизматлари фаолиятини йўлга қўйиш бўйича хорижий тажрибани ўрганиш. Натижаси юзасидан таклифларни Ўзбекистон Республикаси Президенти Администрациясига киритиш.	Таҳлилий ахборот	2026 йил июль	Иқтисодиёт ва молия вазирлиги, Давлат активларини бошқариш агентлиги, Ҳисоб палатаси, Ўзбекистон аудиторлар палатаси
II. Давлат аудити соҳасини рақамлаштириш ва сунъий интеллект технологияларини жорий этиш					
11.	Сунъий интеллект ва рақамли трансформация қилиш гуруҳининг фаолиятини самарали ташкил этиш.	Гуруҳ фаолиятини ташкил этиш тўғрисидаги низомларни тасдиқлаш. Бунда: 1) гуруҳ раҳбари ҳамда ходимлари мақоми, меҳнатга ҳақ тўлаш, тиббий хизмат ва транспорт таъминоти шароитлари бўйича Ҳисоб палатасининг шўъба мудирини ва тегишли ходимларига тенглаштирилишини белгилаш; 2) Сунъий интеллект ва рақамли трансформация қилиш гуруҳи ташкил этилсин ва унинг асосий вазифалари этиб қўйидагиларни белгилаш: катта ҳажмли маълумотлар (Big Data)ни қайта ишлаш орқали мониторинг ва назорат тизимларини жорий этиш ҳамда рақамлаштириш; Ҳисоб палатаси фаолиятида рақамли технологиялар ва сунъий интеллект технологияларини самарали қўллашни кенгайтириш;	Идоравий ҳужжат	2026 йил январь	Ҳисоб палатаси, манфаатдор вазирлик ва идоралар

		Ҳисоб палатасининг ахборот тизимларида киберхавфсизликни таъминлаш, киберҳужумларга қарши чораларни кучайтириш.			
12.	Ҳисоб палатасининг аудити жараёнига сунъий интеллект технологияларини жорий этиш имкониятини яратиш.	Аудит жараёнига сунъий интеллект жорий этиш бўйича стандартлар ишлаб чиқиш ва амалиётга татбиқ этиш.	Ташкилий чора-тадбирлар	2027 йил июнь	Ҳисоб палатаси, Рақамли технологиялар вазирлиги
13.	Давлат мулкани, шунингдек давлат иштирокидаги корхоналарнинг мулкани хусусийлаштириш (улушни сотиш) ва давлат мулкани ижарага бериш жараёнларини рақамлаштириш.	1. Давлат мулкани, шунингдек, давлат иштирокидаги корхоналарнинг мулкани хусусийлаштириш (улушни сотиш) дастурини ишлаб чиқиш, ҳужжатларни тайёрлаш, баҳолашдан ўтказиш, бошланғич нархини белгилаш, хусусийлаштириш усуллари танлаш, сотувга чиқариш, тушумлар тақсимоти ва бошқа жараёнларни рақамлаштириш бўйича электрон платформани ишга тушириш. Давлат мулкани ижарага беришдан тушган тушумлар тақсимотини автоматлаштириш. 2. Шартнома шартлари ёки қўшимча шартлар бажарилиши доирасида ўтказилган аукцион савдолари бўйича шартнома тузилгандан сўнг ернинг эгаси ёки ижарачиси томонидан шартлари бажарилишини кузатиб бориш механизмини жорий қилиш.	Ташкилий чора-тадбирлар	2026 йил май 2026 йил январь 2026 йил январь	Давлат активларини бошқариш агентлиги, Ҳисоб палатаси, Иқтисодиёт ва молия вазирлиги, Рақамли технологиялар вазирлиги
14.	Маҳаллий бюджет маблағларига доир маҳаллий кенгашлар ва ҳокимликлар қарорлари қабул қилиниши ва уларга киритилаётган ўзгаришлар бўйича ахборот алмашинуви тизимини йўлга қўйиш.	1. Қўшимча манбалар ҳисобидан манбасиз харажатларни олдини олиш учун “E-Kengash” ва “E-Qaror” дастурларини “Давлат молиясини бошқариш” ахборот тизими билан ўзаро интеграция қилиш орқали қарор қабул қилиш ва маблағ ажратиш жараёнларини рақамлаштириш. 2. Маҳаллий бюджет харажатларининг бюджет таснифига мувофиқ 4-гuruh харажатларни “Давлат молиясини бошқариш” ахборот тизимини “E-Kengash” ва “E-Qaror” дастурларига интеграция қилиш орқали тегишли қарор қабул қилингандан сўнг харажатлар ёйилмасига ўзгартиришлар киритиш амалиётини жорий қилиш.	Ташкилий чора-тадбирлар	2026 йил июль 2026 йил октябрь	Иқтисодиёт ва молия вазирлиги, Адлия вазирлиги, Рақамли технологиялар вазирлиги, Ҳисоб палатаси

15.	Хўдудларда рақамли бошқарувни ташкил этишнинг устувор йўналишларини ўзида жамловчи “Raқamli hokimiyat” дастурий комплексини яратиш.	Бухоро вилоятида эксперимент тариқасида “Raқamli hokimiyat” дастурий комплексини жорий қилиш. Натижаси асосида ушбу дастурий комплексни босқичма-босқич бошқа хўдудларда жорий этиш.	Ташкилий чора-тадбирлар Режа-график асосида	2026 йил июль 2027 йил июнь	Бухоро вилоят ҳокимлиги, Ҳисоб палатаси, Рақамли технологиялар вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
16.	Катта ҳажмли маълумотлар (“Big Data”) ва сунъий интеллект технологияларидан фойдаланиш орқали “Масофавий аудит” автоматлаштирилган ахборот тизимида янги хавф-таҳлил механизмлари ҳамда мониторингини жорий қилиш.	1. “Масофавий аудит” автоматлаштирилган ахборот тизимида янги хавф-таҳлил механизмларини рақамлаштириш орқали давлат улуши мавжуд банкларининг молиявий ҳолатини мониторинг қилиб бориш модулларини ишлаб чиқиш. 2. Қишлоқ хўжалиги ерларидан мақсадли ва самарали фойдаланиш, маҳсулотларини етиштириш, солиқ солиш (ер ва мол-мулк) базасини таҳлил қилиш имкониятини яратиш.	Техник топшириқ	2026 йил декабрь	Ҳисоб палатаси, Солиқ қўмитаси, Қишлоқ хўжалиги вазирлиги, Сув хўжалиги вазирлиги, Кадастр агентлиги, “Ўзбеккосмос” агентлиги, Ҳисоб палатаси, Марказий банк, Рақамли технологиялар вазирлиги, давлат улуши мавжуд тижорат банклари
17.	Давлат харидларида харид қилишнинг айрим тартиб-таомилларини рақамлаштириш.	Давлат харидларининг электрон тизимларида энг яхши таклифларни танлаб олиш, тендер савдолари бўйича харид қилиш ҳужжатларини (техник топшириқларни босқичма-босқич) мажбурий тартибда электрон шаклда тайёрлаш ва тасдиқлаш имкониятини назарда тутувчи алоҳида модул жорий қилиш.	Техник топшириқ	2026 йил март	Иқтисодиёт ва молия вазирлиги, Рақобат қўмитаси, Ҳисоб палатаси

18.	Бюджет ташкилотлари истеъмол қилган электр ва газ харажатларни тегишли ахборот тизимларидаги маълумотлар асосида тўлаш.	1. Бюджет ташкилотларининг барча электр энергияси ва табиий газ ҳисоблагичларини замонавийсига алмаштириб, уларни “Электр энергиясини ҳисобга олиш ва назорат қилишнинг автоматлаштирилган тизими” ҳамда “Табиий газ назорати ва ҳисобининг автоматлаштирилган тизими” билан интеграция қилиш. Бунда ушбу ҳисоблагичларни харид қилиш ва ўрнатиш харажатларини тегишлилиги бўйича “Ҳудудий электр тармоқлари” АЖ, “Миллий электр тармоқлари” АЖ, “Ўзэнергосотиш” АЖ, “Ўзтрансгаз” АЖ, “Ҳудудгазтаъминот” АЖ маблағлари ҳисобидан амалга ошириш. 2. “Uzasbo-2” дастурий мажмуасини “Электр энергиясини ҳисобга олиш ва назорат қилишнинг автоматлаштирилган тизими” ҳамда “Табиий газ назорати ва ҳисобининг автоматлаштирилган тизими” билан ўзаро интеграциясини йўлга қўйиш. Бюджет ташкилотларининг электр энергияси ва табиий газ харажатларини “Электр энергиясини ҳисобга олиш ва назорат қилишнинг автоматлаштирилган тизими” ҳамда “Табиий газ назорати ва ҳисобининг автоматлаштирилган тизими”даги электрон ҳисоблагичларнинг кўрсаткичлари асосида ҳисоб-китобларни амалга ошириш тизимини йўлга қўйиш.	Амалий чора-тадбирлар	2026 йил июнь 2026 йил июль 2026 йил 1 августдан бошлаб	Энергетика вазирлиги, “Ҳудудий электр тармоқлари” АЖ, “Миллий электр тармоқлари” АЖ, “Ўзэнергосотиш” АЖ, “Ўзтрансгаз” АЖ, “Ҳудудгазтаъминот” АЖ, Ўзэнергоинспекция, Ҳисоб палатаси Иқтисодиёт ва молия вазирлиги, Энергетика вазирлиги, “Ҳудудий электр тармоқлари” АЖ, “Миллий электр тармоқлари” АЖ, “Ўзэнергосотиш” АЖ, “Ўзтрансгаз” АЖ, “Ҳудудгазтаъминот” АЖ, Ўзэнергоинспекция, Ҳисоб палатаси
19.	“Давлат органлари ва ташкилотларининг ахборот тизимлари (ресурслари) ягона реестри”нинг платформасини яратиш.	1. Давлат органлари ва ташкилотлари, шу жумладан, устав капиталида 50 фоиз ва ундан ортиқ давлат улуши бўлган ташкилотларда (давлат сири билан боғлиқ ва муҳим ахборот инфратузилма объектлари бундан мустасно) ишга тушириладиган (туширилган) ахборот тизимлари ва маълумотлар базаларини жорий этишдан ишга туширишгача бўлган барча жараёнларни ўзида мужассам этган “Давлат органлари ва ташкилотларининг	Амалий чора-тадбирлар	2026 йил июнь	Рақамли технологиялар вазирлиги, Ҳисоб палатаси, “Киберхавфсизлик маркази” ДУК, Марказий банк, Адлия вазирлиги,

		ахборот тизимлари (ресурслари) ягона реестри”нинг ҳимояланган платформасини ишга тушириш. Бунда платформада барча ҳужжатларни жойлаштириш ҳамда ундан рўйхатдан ўтмаган ахборот тизимлари ҳамда маълумотлар базаларидан фойдаланишга йўл қўйилмаслик чорасини кўриш. 2. Платформани ахборот ва киберхавфсизлик талабларига мувофиқ экспертизадан ўтказиш.			Ички ишлар вазирлиги
20.	Давлат органлари ва ташкилотлари, шу жумладан, устав капиталида 50 фоиз ва ундан ортиқ давлат улуши бўлган ташкилотлардаги маълумотларини сақлаш ва қайта ишлаш учун сервер қурилмалари ва ускуналарининг техник кўрсаткичлари ҳисобини рақамлаштириш.	1. Маълумотларни сақлаш ва қайта ишлаш учун сервер қурилмаларини харид қилиш, рухсат бериш бўйича барча жараёнлар ҳамда харид қилинган қурилмалар ҳисобини юритиш юзасидан ахборот тизимини жорий этиш. Ахборот тизимларига ҳужумлар ҳамда таҳдидларни аниқлаш, уларнинг олдини олиш бўйича автоматлаштирилган тизимларни, шунингдек, алоқа каналлари орқали махфий ахборот тарқалишидан ҳимоя қиладиган техник воситалар ҳамда дастурий маҳсулотларни харид қилиш, ишлаб чиқиш, жорий қилиш ва рухсат бериш бўйича барча жараёнлар ҳамда харид қилинган тизимлар ҳисобини юритиш юзасидан ахборот тизимини яратиш. Бунда мазкур тизимлардан фойдаланиш ҳимояланган тармоқ орқали амалга оширилишини йўлга қўйиш.	Рақамли технологиялар арни ривожлантириш жамғармаси Давлат бюджети, махсус жамғарма	2026 йил февраль 2026 йил февраль	Рақамли технологиялар вазирлиги “Киберхавфсизлик маркази” ДУК
		2. Давлат органлари ва ташкилотлари маълумотлар базаларини тадбиркорлик субъектлари серверларида сақланишини тақиқлаш (киберхавфсизликни таъминлаш бўйича ваколатли орган хулосалари бўйича рухсатлар бундан мустасно).	Амалий чора-тадбирлар	2026 йил январь	Рақамли технологиялар вазирлиги, “Киберхавфсизлик маркази” ДУК, Марказий банк, Ички ишлар вазирлиги, Персоналлаштириш маркази

		3. Давлат органлари ва ташкилотлари маълумотлар базаларининг захира нусхаларини “Рақамли ҳукумат лойиҳаларини бошқариш маркази”га жойлаштириш. Бунда серверларни ижарага бериш бўйича хизмат кўрсатиш нархларини мақбуллаштиришни назарда тутган ҳолда қайта кўриб чиқиш.	Амалий чора-тадбирлар	2026 йил март	Рақамли технологиялар вазирлиги, Иқтисодиёт ва молия вазирлиги
21.	Давлат органлари ва ташкилотлари томонидан кўрсатилаётган пуллик хизматлар ва реализация қилинаётган товар ҳамда моддий бойликлар ҳисобини рақамлаштириш.	1. Давлат органлари ва ташкилотларининг товарлар, бажарилган иш ва кўрсатилган хизматлар реализацияси бўйича ҳисобварақ-фактураларни “Uzasbo-2” дастурий мажмуасида шакллантириб, солиқ органларига юборилишининг электрон тизимини яратиш. 2. Бюджет ташкилотлари томонидан асосий воситаларни хатлов рақамлари билан ҳисобини, қурилиш-монтаж ишлари учун пудратчиларга берилган товарлар ҳисобини ҳар бир товар кесимида “Uzasbo-2” дастурий мажмуасида юритишни жорий қилиш.	Амалий чора-тадбирлар	2026 йил апрель	Иқтисодиёт ва молия вазирлиги, Солиқ қўмитаси, Ҳисоб палатаси
22.	Бюджет ташкилотлари томонидан ишчи-ходимларга ҳисобланган иш ҳақи тўловлари бўйича солиқ ҳисоботида автоматик шаклланишини рақамлаштириш.	“Uzasbo-2” дастурий мажмуасида ҳар бир ходимга тайинланган иш ҳақи ва бошқа тўловлар ҳамда ундан ҳисобланган солиқ тўловлари (имтиёз)ни ҳисобот оyi учун тақдим қилинадиган “Жисмоний шахслардан олинадиган даромад солиғи ва ижтимоий солиқ ҳисобот”ларини солиқ органларига инсон омилисиз автоматик юборилишини йўлга қўйиш.	Амалий чора-тадбирлар	2026 йил апрель	Иқтисодиёт ва молия вазирлиги, Солиқ қўмитаси, Ҳисоб палатаси
23.	Давлат манфаатига етказилган зарарлар бўйича бюджет ташкилотининг махсус ҳисоб рақамларига ундирилган ёки сақланаётган товар-моддий бойликларни хатловдан ўтказиб, умумий ҳисоб-китоби олиб борилишини рақамлаштириш.	1. “Uzasbo-2” дастурий мажмуасида мусодара қилинган товар-моддий бойликлар ҳисобини олиб бориш учун янги модулни ишга тушириш. 2. Давлат манфаатига етказилган зарарлар бўйича ундирилган маблағларни фақатгина ғазначиликнинг ҳисоб рақамларида юритишни жорий қилиш.	Амалий чора-тадбирлар	2026 йил июнь	Иқтисодиёт ва молия вазирлиги, Ғазначилик қўмитаси, Ҳисоб палатаси, Давлат активларини бошқариш агентлиги, Божхона қўмитаси, Солиқ қўмитаси, Мажбурий ижро бюроси

24.	Қурилиш ташкилотлари томонидан қурилаётган турар ва нотурар объектлар бўйича якуний лойиҳалар тасдиқлангандан сўнг хонадон, савдо ёки хизмат кўрсатиш шохобчалари сони, майдон ўлчами ҳамда уларнинг 1 м ² нархлари бўйича маълумотлар жойлаштирилишини рақамлаштириш.	Қурилиш соҳасини шаффофлаштириш, инвестор ва аҳоли учун очиқ маълумотлар базасини яратиш ва назоратни автоматлаштириш орқали нархлар таҳлили, қурилиш ривожини башорат қилиш ҳамда яширин иқтисодиётнинг олдини олишга қаратилган ахборот платформасини яратиш.	Амалий чора-тадбирлар	2027 йил февраль	Вазирлар Маҳкамаси ҳузуридаги Қурилиш ва уй-жой коммунал хўжалиги соҳасида назорат қилиш инспекцияси, Қурилиш ва уй-жой коммунал хўжалиги вазирлиги, Ҳисоб палатаси, манфаатдор вазирлик ва идоралар
25.	Сунъий интеллект технологияларидан фойдаланган ҳолда “Масофавий аудит” автоматлаштирилган ахборот тизимида “Аудиторга кўмаклашиш” модулини ишлаб чиқиш.	1. “Масофавий аудит” автоматлаштирилган ахборот тизими билан Lex.uz тизимини интеграция қилиш, тегишли техник, ҳуқуқий ҳамда ташкилий чора-тадбирларни жорий этиш. 2. Миллий қонунчиликка сунъий интеллект технологияларини қўллаш орқали интерактив савол-жавоб функциясини яратиш ва услубиётини ишлаб чиқиш. 3. Сунъий интеллектга машинали ўқитиш орқали Ҳисоб палатасининг аудит стандартларини ўргатиш. Аудиторлар учун қарор қабул қилишга ёрдамлашувчи -тушунувчи “Сунъий интеллект ассистент”ни яратиш.	Амалий чора-тадбирлар	2026 йил март 2027 йил январь 2027 йил июнь	Адлия вазирлиги, Ҳисоб палатаси, Рақамли технологиялар вазирлиги Ҳисоб палатаси, Рақамли технологиялар вазирлиги, Ҳисоб палатаси, Рақамли технологиялар вазирлиги, Адлия вазирлиги
26.	Иқтисодиёт ва молия вазирлигининг 22 та вазирлик ва идораларнинг бюджет маблағларини мониторинг қилиш учун мўлжалланган “Мониторинг портал” ахборот тизимини барча вазирлик, идора ва маҳаллий ҳокимликларга фойдаланиш имкониятини яратиш.	Барча вазирлик, идора ва маҳаллий ҳокимликларга фойдаланиш имкониятини яратиш мақсадида “Мониторинг портал” ахборот тизимининг янги версиясини ишлаб чиқиш.	Амалий чора-тадбирлар	2026 йил февраль	Иқтисодиёт ва молия вазирлиги, “Ахборот технологиялари маркази” ДУК, Ҳисоб палатаси,

		Бунда рақамлаштириш ва техник қўллаб-қувватлаш билан боғлиқ харажатларни Иқтисодиёт ва молия вазирлигининг махсус жамғармаси маблағлари ҳисобидан қопланишини таъминлаш.			манфаатдор вазирлик ва идоралар
III. Халқаро аудит органлари билан ҳамкорликни кенгайтириш					
27.	Хорижий давлатлар олий аудит органлари билан қўшма аудитларда иштирок этиш амалиётини йўлга қўйиш.	Хорижий давлатлар олий аудит органлари билан қўшма аудитни ташкил этиш юзасидан музокаралар ўтказиш. Бунда синов-тажриба лойиҳаси тарзида Хитой ва Туркия олий аудит органлари билан ҳамкорликда аудит тадбирларини амалга оширишни кўзда тутиш.	Ташкилий чора-тадбирлар	2026 йил май	Ҳисоб палатаси, Ташқи ишлар вазирлиги
28.	Халқаро ташкилотлар танловларида иштирок этиш ёки ўзаро келишувлар орқали уларнинг фаолияти, лойиҳалари ва дастурлари аудитида қатнашиш.	1. Халқаро ташкилотлар танловларида иштирок этиш ёки ўзаро келишувлар орқали уларнинг фаолияти, лойиҳалари ва дастурлари аудитида қатнашиш учун музокаралар ўтказиш. 2. Тендерларда иштирок этиш бўйича мувофиқлаштирувчи ишчи гуруҳини тузиш ва унинг вазифаларини белгилаш.	Ташкилий чора-тадбирлар Идоравий ҳужжат	Доимий 2026 йил январь	Ҳисоб палатаси, Ташқи ишлар вазирлиги, Инвестициялар, саноат ва савдо вазирлиги Ҳисоб палатаси
29.	Тошкент шаҳрида “Аудит жараёнларидаги катта ҳажмли (Big data) маълумотларни интеллектуал таҳлил қилиш” мавзусида халқаро конференция ташкил этиш.	1. Халқаро конференцияда иштирок этадиган халқаро ва маҳаллий ташкилотлар билан музокаралар ўтказиш ва уларнинг рўйхатини шакллантириш. 2. Халқаро конференцияни юқори савияда ўтказиш юзасидан ишчи гуруҳини ташкил этиш, унинг вазифаларини белгилаш ва амалга ошириш. Халқаро конференция материалларини тўплаш ва чоп этиш. Халқаро конференцияни Тошкент давлат иқтисодиёт университетида ўтказиш.	Ташкилий чора-тадбирлар Ташкилий чора-тадбирлар	2026 йил декабрь 2026 йил декабрь	Ҳисоб палатаси, Ташқи ишлар вазирлиги, манфаатдор вазирлик ва идоралар Ҳисоб палатаси, Ташқи ишлар вазирлиги, Рақамлаштириш вазирлиги, Олий таълим, фан ва инновациялар вазирлиги

IV. Давлат аудити соҳасига кадрлар тайёрлаш тизимини такомиллаштириш ва илмий-амалий фаолият самарадорлигини ошириш					
30.	Бухоро давлат университетида давлат аудити соҳасига оид таълим йўналишини жорий этиш.	Бухоро давлат университетида унинг бюджетдан ташқари маблағлари ҳисобидан давлат аудити таълим йўналишини ташкил этиш.	Ташкилий чора-тадбирлар	2026/2027 ўқув йилидан бошлаб	Олий таълим, фан ва инновациялар вазирлиги, Бухоро давлат университети, Ҳисоб палатаси
31.	Бухгалтерия ҳисоби ва аудит соҳасида халқаро даражада тан олинган касбий сертификатлардан бирини қўлга киритган талабаларни рағбатлантириш механизмларини жорий этиш.	1. Давлат аудити олий мактаби битирувчилари таркибидан бухгалтерия ҳисоби ва аудит соҳасида халқаро сертификатларга эга бўлган талабалар рўйхатини шакллантириш. Бухгалтерия ҳисоби ва аудит соҳасида халқаро даражада тан олинган касбий сертификатлардан бирини қўлга киритган талабаларни якуний давлат аттестациясидан озод этиш. 2. Ўқув даврида ўзлаштириш кўрсаткичининг ўртача қиймати (GPA - Grade Point Average) камида 4,0 бўлган битирувчиларга малака имтиҳонини топширмасдан ички аудит миллий малака сертификатини бериш тартибини белгилаш ва жорий этиш.	Ташкилий чора-тадбирлар	2027/2028 ўқув йилидан бошлаб	Тошкент давлат иқтисодиёт университети, Олий таълим, фан ва инновациялар вазирлиги Тошкент давлат иқтисодиёт университети, Иқтисодиёт ва молия вазирлиги, Ўзбекистон аудиторлар палатаси
32.	Ички аудит, молиявий назорат, стратегик режалаштириш, коррупцияга қарши ички назорат йўналишларида давлат хизматчиларига бўлган эҳтиёжни шакллантириш.	1. Давлат фуқаролик хизматчиларига бўлган эҳтиёж бўйича маълумотларни Тошкент давлат иқтисодиёт университетида тақдим этиш. 2. Университет томонидан маълумотларни умумлаштириш асосида буюртмалар портфелини шакллантириш. Буюртмалар портфели асосида Давлат аудити олий мактабига қабул параметрларини белгилаш ҳамда Университет кенгашида тасдиқлаш.	Ташкилий чора-тадбирлар	Ҳар йили 1 июнга қадар	Бошқарув самарадорлиги агентлиги Тошкент давлат иқтисодиёт университети, Ҳисоб палатаси, Иқтисодиёт ва молия вазирлиги, Давлат молиявий назорат инспекцияси

33.	Давлат аудити олий мактабига ўқув жараёнлари ва илмий фаолиятни самарали ташкил этиш юзасидан “фан-таълим-ишлаб чиқариш” бўйича манфаатдор давлат органлари ва ташкилотлари билан ҳамкорликни йўлга қўйиш.	Университет, Олий таълим, фан ва инновациялар вазирлиги, Ҳисоб палатаси, Иқтисодиёт ва молия вазирлиги, Иқтисодий жиноятларга қарши курашиш департаменти, Давлат молиявий назорати инспекцияси, Ўзбекистон аудиторлар палатаси, Ўзбекистон бухгалтерлар ва аудиторлар миллий ассоциацияси ва Бухоро давлат университети ўртасида ҳамкорликни йўлга қўйиш мақсадида улар иштирокида “Фан-таълим-ишлаб чиқариш” тамойили асосида ҳамкорликни мувофиқлаштириб боровчи илмий-амалий ҳамкорлик кенгаши таркиби ва унинг низомини тасдиқлаш.	Ташкилий чора-тадбирлар	2026 йил июнь	Олий таълим, фан ва инновациялар вазирлиги, Тошкент давлат иқтисодиёт университети, Ҳисоб палатаси, Иқтисодиёт ва молия вазирлиги, Давлат молиявий назорат инспекцияси, Ўзбекистон аудиторлар палатаси, манфаатдор вазирлик ва идоралар
34.	Илмий тадқиқот ишларини қўллаб-қувватлаш.	Тошкент давлат иқтисодиёт университетига ажратилган давлат бюджети ва бюджетдан ташқари маблағлар ҳисобидан Давлат аудити олий мактабида “Давлат аудитини ташкил этиш услубиётини шакллантириш” мавзусида илмий-конференцияларни ташкил этиш.	Ташкилий чора-тадбирлар	2026-2027 йиллар давомида	Тошкент давлат иқтисодиёт университети, Олий таълим, фан ва инновациялар вазирлиги, Ҳисоб палатаси, Иқтисодиёт ва молия вазирлиги, Давлат молиявий назорат инспекцияси
35.	“CIPFA” ва “INTOSAI” стандартлари бўйича ихтисослашган модулларни жорий этиш.	“CIPFA” ва “INTOSAI” стандартлари бўйича ихтисослашган модулларни жорий этиш. “INTOSAI ISSAI” стандартлари бўйича услубий материаллар тайёрлаш. “CIPFA” стандартлари бўйича ўқитувчиларни тайёрлаш дастурини йўлга қўйиш.	Ташкилий чора-тадбирлар	2026–2029 йиллар	Тошкент давлат иқтисодиёт университети, Ўзбекистон аудиторлар палатаси
36.	Талабалар учун амалиёт ва стажировка дастурларини ташкил этиш.	1. Халқаро амалиёт ва стажировка дастурини ташкил этиш ҳамда “CIPFA” шогирдлик дастури (Level 7 Apprenticeship) билан ҳамкорлик ўрнатиш.	Ташкилий чора-тадбирлар	2027 йил октябрь	Тошкент давлат иқтисодиёт университети,

		2. Талабаларнинг халқаро семинар ва воркшопларда қатнашишини ташкил этиш. Соҳа бўйича халқаро конференцияларда иштирок этиш.		Режа-жадвалга мувофиқ ўқув йили давомида	Олий таълим, фан ва инновациялар вазирлиги, Ҳисоб палатаси
37.	Тошкент давлат иқтисодиёт университети ва Хитойнинг Нанкин аудит университети ўртасида илмий ва академик ҳамкорликни йўлга қўйиш.	1. Тошкент давлат иқтисодиёт университети ва Хитойнинг Нанкин аудит университети ҳамкорлигида қўшма академик тадбирларни ўтказиш, педагоглар салоҳиятини ривожлантириш, талабалар алмашинуви, илмий тадқиқотлар йўналишларида ҳамкорликни кўзда тутувчи чора-тадбирлар режасини тасдиқлаш, қўшма ўқув режаларини тузиш, ахборот технологиялари аудити фанини жорий этиш. 2. Олий таълим муассасаларида бухгалтерия ҳисоби ва аудит соҳасида халқаро стандартларни ўқитиш орқали халқаро даражада тан олинган сертификатларни олиш имкониятини яратиш.	Ташкилий чора-тадбирлар	2026 йил январь-март 2026/2027 ўқув йилидан бошлаб	Тошкент давлат иқтисодиёт университети, Олий таълим, фан ва инновациялар вазирлиги, Ҳисоб палатаси Тошкент давлат иқтисодиёт университети, Олий таълим, фан ва инновациялар вазирлиги

Ўзбекистон Республикаси Президентининг
2025 йил 18 декабрдаги ПФ–252-сон Фармони
2-илова

**Ҳисоб палатасининг вакили сифатида бош инспектор лавозими
жорий этиладиган давлат органлари ва ташкилотлари**

РЎЙХАТИ

1. Экология ва иқлим ўзгариши миллий қўмитаси
2. Иқтисодиёт ва молия вазирлиги
3. Инвестициялар, саноат ва савдо вазирлиги
4. Камбағалликни қисқартириш ва бандлик вазирлиги
5. Маданият вазирлиги
6. Мактабгача ва мактаб таълими вазирлиги
7. Олий таълим, фан ва инновациялар вазирлиги
8. Рақамли технологиялар вазирлиги
9. Соғлиқни сақлаш вазирлиги
10. Спорт вазирлиги
11. Сув хўжалиги вазирлиги
12. Фавқулодда вазиятлар вазирлиги
13. Транспорт вазирлиги
14. Тоғ-кон саноати ва геология вазирлиги
15. Энергетика вазирлиги
16. Қишлоқ хўжалиги вазирлиги
17. Қурилиш ва уй-жой коммунал хўжалиги вазирлиги
18. Давлат активларини бошқариш агентлиги
19. Вазирлар Маҳкамаси ҳузуридаги Енгил саноатни ривожлантириш агентлиги
20. Ёшлар ишлари агентлиги
21. Қишлоқ хўжалиги вазирлиги ҳузуридаги Аграр соҳада тўловлар агентлиги
22. Иқтисодиёт ва молия вазирлиги ҳузуридаги бюджетдан ташқари Пенсия жамғармаси
23. Иқтисодиёт ва молия вазирлиги ҳузуридаги Қишлоқ хўжалигини давлат томонидан қўллаб-қувватлаш жамғармаси
24. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари

Ўзбекистон Республикаси Президентининг
2025 йил 18 декабрдаги ПФ–252-сон Фармонига
3-илова

**Давлат органлари ва ташкилотларида Ҳисоб палатасининг вакили сифатида
фаолият олиб борувчи бош инспекторнинг
АСОСИЙ ВАЗИФАЛАРИ**

1. Бюджет қонунчилиги бузилиши ҳолатларининг олдини олиш ва уларнинг профилактикаси юзасидан амалга ошириладиган ишларни ташкил этиш.
2. Бюджет маблағларидан фойдаланиш билан боғлиқ мақсадли индикаторлар ижроси бўйича хавфларни баҳолаш ва самарадорлигини таҳлил қилиш.
3. Давлат ташқи қарзи ва грантлар ҳисобига амалга оширилаётган лойиҳаларнинг лойиҳа баҳолаш ҳужжатларидан бошлаб, уларнинг якунланишигача бўлган барча жараёнларни назоратга олиш.
4. Давлат органлари ва ташкилотларининг қўшимча даромадлари ва бюджетдан ташқари жамғармаси маблағларидан мақсадли фойдаланишни мониторинг қилиш.
5. Давлат харидлари тўғрисидаги қонунчилик талабларининг тўғри қўлланилиши устидан назоратни амалга ошириш, манфаатлар тўқнашуви ва аффилланганлик ҳолатларини тўхтатиш чораларини кўриш.
6. Ижтимоий ва ишлаб чиқариш инфратузилмасини ривожлантириш дастурига киритилган объектларда амалга оширилаётган қурилиш ишлари харажатларини мониторинг қилиш.
7. Давлат органлари ва ташкилотлари “Ситуацион марказ”ларининг фаолияти самарали амалга оширилишини ва Ҳисоб палатаси билан ўзаро ҳамкорлигини таъминлаш.
8. Бюджет, ташқи қарз ва грант маблағларидан самарали ва тежамкорлик тамойили асосида фойдаланиш бўйича тавсиялар ишлаб чиқиш.
9. Субсидияларнинг манзиллилиги ва мақсадлилигини назорат қилиш ҳамда унинг самарадорлигини таҳлил қилиш.
10. Ички назорат тузилмалари ходимлари ва “хавфларни бошқариш” қўмиталари аъзоларининг фаолияти самарадорлигини ошириш ҳамда мувофиқлаштириш.
11. Давлат бюджети харажатлари самарали ва мақсадли ишлатилиши билан боғлиқ бўлган бошқа тадбирларни амалга ошириш.
12. Жорий назорат натижалари бўйича ҳар чораклик ҳисоботни “Давлат аудити” дастурий комплексига мажбурий тарзда киритиш.
13. Молиявий соҳадаги коррупциявий хатарлар аниқланган тақдирда, дарҳол Ҳисоб палатаси раисига ахборот бериш ва маълумотларни “Давлат аудити” дастурий комплексига киритиш.

Ўзбекистон Республикаси Президентининг
2025 йил 18 декабрдаги ПФ–252-сон Фармониغا
4-илова

**Ўзбекистон Республикаси Президенти айрим ҳужжатларига киритилаётган
ўзгартириш ва қўшимчалар**

- 1.** Ўзбекистон Республикаси Президентининг 2021 йил 27 августдаги “Давлат молиявий назорати тизимини янада такомиллаштириш чора-тадбирлари тўғрисида”ги ПФ–6300-сон Фармонида:
- (а)** 6-банднинг иккинчи хатбошисидаги “Молия” сўзи “Иқтисодиёт ва молия” сўзлари билан алмаштирилсин;
 - (б)** 8-банднинг биринчи хатбошисидаги “110” рақами “157” рақами билан алмаштирилсин;
 - (в)** 13-банднинг тўртинчи хатбошиси қуйидаги таҳрирда баён этилсин:
“Белгилансинки:
Ҳисоб палатаси ўз эмблемасига эга бўлади. Бунда эмблемадан фойдаланиш тартиби Ҳисоб палатаси раиси томонидан белгиланади;
Ҳисоб палатаси томонидан тадбиркорлик субъектларида бюджет тизими бюджетларининг маблағлари, давлат қарзи маблағларидан мақсадли фойдаланилиши юзасидан ўтказиладиган назорат тадбирларига нисбатан тадбиркорлик субъектлари фаолиятида текширувлар ўтказишга оид тартиб-таомиллар татбиқ этилмайди. Бунда назорат тадбирларини ўтказишга масъул ходимлар тадбиркорлик субъекти томонидан тақдим этилган Текширувларни рўйхатга олиш китобини қонунчиликда белгиланган тартибда тўлдириши шарт (давлат сири ёки қонун билан қўриқланадиган бошқа сирни ташкил этувчи маълумотлар бундан мустасно)”;
 - (г)** 14-бандда “Давлат бюджети маблағлари” сўзларидан кейин “ҳамда қонунчиликда тақиқланмаган бошқа манбалар” сўзлари билан тўлдирилсин;
 - (д)** 15-банд қуйидаги мазмундаги бешинчи хатбоши билан тўлдирилсин:
“Белгилансинки, Ҳисоб палатасига тегишли маълумотлар базалари ва ахборот тизимларидаги, шу жумладан, фаолиятида фойдаланиладиган бошқа маълумотлар базаларидаги ахборотлар фақат ахборот эгаси билан келишилган ҳолда учинчи шахсларга тақдим этилади (бундан аниқланган камчиликлар ёки хавф-таҳлилларга оид ахборотлар мустасно)”.

2. Ўзбекистон Республикаси Президентининг 2024 йил 10 июлдаги “Бюджет маблағларидан фойдаланиш устидан молиявий назоратни кучайтириш бўйича қўшимча чора-тадбирлар тўғрисида”ги ПФ–100-сон Фармонида:

(а) 1-банднинг “а” кичик банди учинчи хатбошисидаги “ташкилотлар” сўзи “солиқ тўловчилар” сўзлари билан алмаштирилсин;

(б) 5-бандда:

(i) “а” кичик банднинг олтинчи хатбошисидаги “ташкилотлар” сўзи “солиқ тўловчилар” сўзлари билан алмаштирилсин;

(ii) “в” кичик банднинг иккинчи хатбошиси қуйидаги таҳрирда баён этилсин:

“Ҳисоб палатаси ходимларининг малакасини ошириш учун хорижий олий таълим ва илмий-тадқиқот муассасаларига ўқишга юбориш, шу жумладан, ҳар йили камида бир маротаба миллий таълим муассасаларида малака ошириш ва ўқув курслари хорижий мутахассисларни жалб қилган ҳолда ташкил этилсин ёки хорижда йўлга қўйилсин.

Бунда магистратура ва докторантура мутахассислиги бўйича хорижий олий таълим ва илмий-тадқиқот муассасаларига ўқишга юбориладиган ходимларнинг Ҳисоб палатасида эгаллаб турган лавозимлари (ойлик иш ҳақи тўловлари қисман ҳисобланган ҳолда) сақлаб қолинишига рухсат этилади”;

(в) 2-илованинг 1-позицияси 5-кичик банди ўз кучини йўқотган деб ҳисоблансин;

(г) 3-иловада:

(i) қуйидаги мазмундаги 39¹–39¹⁴-бандлар билан тўлдирилсин:

“39¹. Ўзбекистон Республикаси Президенти ҳузуридаги Ижтимоий ҳимоя миллий агентлиги

39². Ўзбекистон Республикаси Президенти ҳузуридаги Бошқарув самарадорлиги агентлиги

39³. Вазирлар Маҳкамаси ҳузуридаги Саноат, радиация ва ядро хавфсизлиги қўмитаси

39⁴. Вазирлар Маҳкамаси ҳузуридаги Миграция агентлиги

39⁵. Вазирлар Маҳкамаси ҳузуридаги Электр энергияси, нефть маҳсулотлари ва газдан фойдаланишни назорат қилиш инспекцияси

39⁶. Вазирлар Маҳкамаси ҳузуридаги Агросаноат мажмуи устидан назорат қилиш инспекцияси

39⁷. Вазирлар Маҳкамаси ҳузуридаги Қурилиш ва уй-жой коммунал хўжалиги соҳасида назорат қилиш инспекцияси

39⁸. Оила ва хотин-қизлар қўмитаси

39⁹. Коррупцияга қарши курашиш агентлиги

39¹⁰. Ўзбекистон техник жиҳатдан тартибга солиш агентлиги

39¹¹. “Эл-юрт умиди” жамғармаси

39¹². Ўзбекистон Миллий телерадиокомпанияси

39¹³. Савдо-саноат палатаси

39¹⁴. Ўзбекистон маҳаллалари уюшмаси”;

(ii) қуйидаги мазмундаги 81¹-81⁸ бандлар билан тўлдирилсин:

“81¹. “Ўзэнергосотиш” АЖ

81². “O‘zbek geologiya qidiruv” АЖ

81³. “O‘zshahar qurilish invest” МЧЖ

81⁴. “O‘zbekko‘mir” АЖ

81⁵. “Тошкент метрополитени” ДУК

81⁶. “O‘zbekgeofizika” АЖ

81⁷. Иссиқлик таъминоти корхоналари

81⁸. Иссиқлик электр станциялари корхоналари”;

(iii) изоҳлар қисмининг еттинчи хатбошисидаги “Вазирлар Маҳкамасининг қарори” сўзлари “Ўзбекистон Республикаси Президенти Администрацияси раҳбарининг фармойиши” сўзлари билан алмаштирилсин.

3. Ўзбекистон Республикаси Президентининг 2025 йил 19 июндаги “Давлат фуқаролик хизматини янги ёндашувлар асосида ташкил этиш ҳамда профессионал ва натижадорликка йўналтирилган давлат хизматчилари корпусини шакллантириш чора-тадбирлари тўғрисида”ги ПФ–95-сон Фармонининг 13-банди “б” кичик банди қуйидаги мазмундаги иккинчи хатбоши билан тўлдирилсин:

“Бунда миллий даражадаги давлат органларининг ҳуқуқий мақоми ва фаолиятининг ўзига хос хусусиятларини ҳисобга олган ҳолда улар томонидан электрон тизимга чекланган маълумот ва ҳужжатлар киритилишига рухсат берилади”.

4. Ўзбекистон Республикаси Президентининг 2025 йил 3 ноябрдаги “Рақамли прокуратура – 2030” стратегиясини тасдиқлаш ва уни самарали амалга ошириш чора-тадбирлари тўғрисида”ги ПФ–204-сон Фармонининг 10-банди қуйидаги мазмундаги “в” кичик банд билан тўлдирилсин:

“(в) Ҳисоб палатасининг “Давлат аудити” дастуридаги барча давлат молиявий назорати тадбирлари, шу жумладан, ички аудит хизматларининг аудит тадбирлари натижаларига доир барча турдаги ҳужжатлар “Tekshiruvlarning yagona elektron reyestri” ягона ахборот тизими билан тўғридан-тўғри (“Рақамли ҳукумат” тизимининг идоралараро интеграциялашув платформаси иштирокисиз) интеграция қилинган ҳолда прокуратура органларига тақдим этиб борилади”.

5. Ўзбекистон Республикаси Президентининг 2016 йил 22 декабрдаги “Маҳаллий ижроия ҳокимияти органлари фаолиятини янада такомиллаштириш тўғрисида”ги ПҚ–2691-сон қарорининг 3-илоvasи қуйидаги таҳрирда баён этилсин:

“Ўзбекистон Республикаси Президентининг
2016 йил 22 декабрдаги ПҚ–2691-сон қарорига
3-илова

**Вилоятлар ва Тошкент шаҳар ҳокимликлари бошқарув аппарати
ходимларининг чекланган сони**

Т/р	Ҳудудлар номи	Бошқарув ходимларининг чекланган сони	<i>шу жумладан, мастер режаларни ишлаб чиқиш ва амалга ошириш бўйича лойиҳа офислари</i>
-----	---------------	--	--

I тоифали ҳудудлар бўйича			
1.	Андижон вилояти	62	4
2.	Қашқадарё вилояти	70	4
3.	Самарқанд вилояти	62	4
4.	Тошкент вилояти	69	4
5.	Фарғона вилояти	63	4
II тоифали ҳудудлар бўйича			
6.	Бухоро вилояти	62	4
7.	Навоий вилояти	61	3
8.	Наманган вилояти	63	4
9.	Сурхондарё вилояти	63	4
10.	Хоразм вилояти	64	4
III тоифали ҳудудлар бўйича			
11.	Жиззах вилояти	59	4
12.	Сирдарё вилояти	58	3
Тоифадан ташқари			
13.	Тошкент шаҳри	104	
Жами		855	46

”

